

Հասին 'ի նաւահանգիստն Թինիքէ (Յունիս 5), տաքնապեալ 'ի մրրկէ ծովու և 'ի սպակասութենէ ջրոյ ելին անդ 'ի ցամաք, և ճանապարհ արարին 'ի նպատակեալ տեղին : Ի Հասանիլ Բաղաբ Պաշէ կոչեցեալ աղբիւրն յորդահոս, տկարացաւ Գրիգոր 'ի տենդ ակտէ, և ոչ կարաց գրեւ այնուհետեւ զօթեւանս՝ որ ցայնվայր գրեալ էր, յիշելով 'ի նմա զանուանս աղգայնոց, որք սիրով և բարութեամբ պատահեցան նմա : Հասեալ նեղութեամբ և վշտօք 'ի Կուտինա քաղաք, անկաւ 'ի մահիճս և ուխտաւորքն մեկնեալ ցրուեցան իւրաքանչիւր 'ի քաղաքս և յաւանս, և Ինքն դադարեաց անդ աւուրս 21, և ժողովուրդ քաղաքին սիրով ընկալեալ զնա հոգացին զամենայն պէտս՝ դարմանելով զՀիւանդութիւն նորին : Իբրեւ լուաւ Յովհաննէս Պատրիարք զՀիւանդութիւն սիրելոյն իւրոյ՝ արտմեցաւ յոյժ, և փութանակի առաքեաց անդ զչորեսին գլխաւոր վարդապետս, որք էին Յարութիւն, Յակոբ, Սահակ և Յակոբ Պալատցի Հանդերձ այլովք՝ և Գրիգոր կազդուրեալ սակաւ ինչ 'ի Հիւանդութենէ իւրմէ զօրացաւ, և ել նոքօք Հանդերձ 'ի Կուտենայ. ուղեկից եղեն նմա և ոմանք յերեւելեաց քաղաքին, և Հասին 'ի Պրուսա : Ներսէս վարդապետ Առաջնորդ քաղաքին և երեւելի անձինք ընկալան զնա փառօք և պահեցին զաւուրս ինչ : Ապա մեկնեալ անտի, նաւեցին 'ի Մուտանիայ և Հասին 'ի Կոստանդինուպօլիս (Յուլիս 23) : Եւ տեսեալ Գրիգորի զսիրելին իւր ըզ-Յովհաննէս Պատրիարք և զայլս ուրախ եղեն յոյժ և խընդացին, և անցեալ յԻւսկիւտար՝ օթեւանս կալաւ 'ի վանքն Երուսաղէմի, և ետ շինել անդ սենեակս : Յելս Նոյեմբեր ամսոյ չորաւ յեկեղեցի Ս. Գէորգայ 'ի Սամաթեա՝ կատարել անդ զտօն Յննդեան Քրիստոսի : Ոմանք 'ի Կուսակցութենէ Կաթողիկ անուանելոց, զնացեալ մատնեցին զնա ստութեամբ Դեսպանին Գաղղիոյ (Վիլնիով մարքիզ), թէ Պատրիարքն Երուսաղէմի 'ի քարոյի իւրում հայճոյեաց զպատարաքն ձեր, իսկ նա գտլով այր խոհեմ՝ անարգանօք դարձոյց զնոսս յետս՝ ասելով, ոչ հաւատամ թէ այրն այն խօսեցի զայդպիսի բանս :

Հ. Մ. Չամչեան դովութեամբ յիշատակէ զՀամարումն Դեսպանին՝ զոր ունէր 'ի վերայ Գրիգորի, գրելով այսպէս .